

Transkript sa konferencije za medije međunarodnih organizacija

OHR, Mario Brkić

OSCE, Mersiha Čaušević-Podžić

EUPM, Zinaida Ilaria

EUFOR, Jem Thomas

OHR

PIC sastanak u Parizu

Kao sto znate politički direktori Vijeća za provedbu mira sastat će se u sutra Parizu. Predstavnici bh. vlasti predvođeni predsjedavajućim Predsjedništva Ivom Mirom Jovićem i predsjedavajućim Vijeća ministara Adnanom Terzićem prisustvovat će dijelu ovog sastanka.

Ovaj sastanak političkih direktora bit će prvi nakon započinjanja pregovora o potpisivanju Sporazuma o stabilizaciji i pridruživanju između BiH i Evropske unije te će se održati na desetu godišnjicu potpisivanja Dejtonskog/Pariškog mirovnog sporazuma.

Neuobičajeno, biti će dva komunikea. Jedan će biti izdan na završetku jutarnje sesije, a fokusiraće se na napredak postignut u posljednjih 10 godina te političke prioritete sadašnjeg trenutka.

Drugi komunike će biti izdan na kraju popodnevne sesije na kojoj će se raspravljati o pitanjima vezanim za stratešku tranziciju BiH u novu fazu svog postratnog oporavka i o euro-atlantskim integracijama.

Direkcija za policijsku reformu

OHR poziva Vladu Federacije BiH da na svojoj sutrašnjoj sjednici predloži kandidate za relevantne pozicije u izvršnom tijelu Direkcije za implementaciju reforme policije, prije isteka krajnjeg roka, a to je 31. decembar. OHR takodjer poziva kantonalne vlasti da kandidiraju svoje predstavnike u izvršnom tijelu Direkcije.

Reforma Sudova za prekršaje

Kako bi se u potpunosti sprovela reforma u oblasti sudova za prekršaje, uz finansijsku potporu medjunarodnih donatora, moraju biti usvojena dva važna zakona koja su trenutano pred entitetskim vladama. Vlada Federacije BiH će o tome diskutirati sutra, a Vlada RS bi ih trebala razmatrati na sljedećoj sjednici. Riječ je o Zakonu o amandmanima na Zakon o sudovima te Zakon o prekršajima. Sve dok ovi zakoni ne budu usvojeni, sudovi za prekršaje neće moći biti uključeni u redovni sudski sistem i Visoko sudsku i tužilačko vijeće neće biti u mogućnosti da imenuje sudije za rad u Sudovima za prekršaje.

OSCE

Nije bilo izjava.

EUPM

Policijska misija Evropske unije (EUPM) radi sa g. Muhidinom Alićem, ministrom unutarnjih poslova Zeničko-dobojskog kantona, na osnivanju Foruma povratnika u ovom kantonu od decembra 2004. EUPM je podržao ministra Alića u pokretanju dijaloga između policijskih vlasti i povratničke zajednice. Inicijativa se pokazala uspješnom i također se reflektovala na Tuzlanski kanton.

Komesar EUPM-a Kevin Carty danas je u Doboju učestvovao na prvoj radnoj sjednici prvog foruma ove vrste u RS. Ministri MUP-a Zeničko-dobojskog i Tuzlanskog kantona također su prisustvovali ovom događaju, izrazivši podršku policiji RS i povratnicima u dobojsku regiju.

Forum okuplja povratnike, policajce i ostale predstavnike vlasti i daje im mogućnost da raspravljaju o pitanjima sigurnosti i načinima rješavanja postojećih problema, čime se jača ne samo cjelokupna sigurnosna situacija, nego i čitav koncept djelovanja policije u zajednici u BiH.

EUPM-u je drago što vidi da ovaj proces napreduje u RS i nastaviće da poziva predstavnike lokalnih policijskih vlasti u ostalim mjestima u zemlji da prate praksu njihovih kolega u Zeničko-dobojskom i Tuzlanskom kantonu i u RS.

EUFOR

Nije bilo izjava.